

樂

典

樂典卷第十八

樂義六

樂律章第六

古者鳳鳥至而律呂成度量權衡所自出也故黃鐘
爲萬事根本

通曰黃帝時鳳鳥至其雄鳴六爲律律述也法也
述陽氣而出法度也其雌鳴六爲呂呂者旅也旅

陽助宣氣也北辰居天之中運之以斗律行其氣

故曰黃鐘太極中央元氣

天樞居天中在人北至

居庸西渡灤水則斗已南逆人背之觀矣故天度
以月出入爲東西立午面子立子面午自卯望酉

自西望卯皆北面常以天中為北故極星居子不動夫律短聲高則焦殺律

長聲下則沉緩必先立黃鐘之宮為清濁之表黃

鐘之宮定而十一律皆定矣制律雖因鳳鳴而聲

度則由身出詳樂章指脉裁正然後截竹為管徑三

圍九自然圓虛以候冬至竹管自然圓虛徑三分

徑三分四釐六毫蓋劉歆律歷志黃鐘之管空圍九分

十分應曆一統蔡邕銅龠銘黃鐘之管空圍九分

容矩黍千二百蓋律之制也徑三分則空圍九

分以之出度則八寸容矩黍八百八粒今周尺是

也龠之制方寸而深八分故洛下閎起曆之法曰

律容一龠積八十一寸則一日之分也八十一寸

乃八百一十分以千二百黍納之龠中則不推而

自滿以之出度則十寸今景表尺是也故蔡氏

書以曆之積八百一十分者分作九十分用圓

術以開方法除之得三分四釐六毫為實徑之

數是以圓為方也彭氏因謂黃鐘律管有從長有面者有空圓有周有徑有積實紛紛多術務以合乎圓各自不同非律起於曆也以八寸一分之管而體又圓安能容千二百黍故徑至治之世天地三分必如四釐六毫以方積筭爾之氣應則數備矣為三分損益而立法即以此管分作九寸寸作九分分作九釐釐作九毫毫作九絲絲作九忽忽作九初初作九秒十一律由是生焉寫鳳之音其雄鳴者為六律曰黃鐘太簇姑洗蕤賓夷則無射其雌鳴者為六呂曰大呂夾鐘中呂林鐘南呂應鐘於是文之以五聲曰宮商角徵羽播之以八音曰金石土革絲木匏竹而大樂和

矣其出度量權衡也必以十而後長短多寡輕重
得其正以之審度則以子穀秬黍中者九十度黃
鐘之長而以一黍之廣為一分十分為寸十寸為
尺十尺為丈十丈為引而五度審矣以之嘉量則
以子穀秬黍中者千有二百實其龠以井水準其
槩合龠為合十合為升十升為斗十斗為斛而五
嘉量矣以之謹權衡則以黃鐘一龠千二百黍之
重為十二銖兩之得二十四銖而為兩十六兩為
斤三十斤而為鈞四鈞為石而五權謹矣舜典曰
協時月正日同律度量衡此之謂也王者制事立

法物度軌則壹稟於六律六律為萬事根本焉其

要在乎黃鐘之宮而已律度量衡雖曰相為表裏

然易知者度量衡也難知者律也隨時而變易變

易而亡害於事者度量衡也今布帛尺比前尺一

六寸二分容一百六十二寸為斗古量容十一

斗者特今之三斗耳古權四十斤今十五斤一定

而不易易則害於樂者律也今失其難者而反取

則於度量衡何哉夫聽鳳鳴而造律猶則河馬洛

龜而作易範也亦曰神會於聽而已矣熊氏朋來曰筭法之

起因律有長短此筭家因律命術非律命於筭也

猶之方田焉田生五穀豈知我為主筭弘環律和

五聲豈知我為正變倍半皆筭家命之耳故曰古

之為鐘律者以耳齊其聲後人不能始假數以正

其度

律居陰而治陽曆居陽而治陰律曆迭相治也律曆正而禮樂興矣

通曰律成而數始形管成而龠始出乃以律起歷

曰律容一龠

律改爲方容與龠同故蔡邕誤以龠爲律龠既方豈能轉生他律宋人

踵積八十一寸爲一日之分

孟康曰黃鍾九寸圍九分以圍乘長得積

八十一寸大明律以十乘八十一得八百一十分以八百一十分配九十分管管長九十分空圍

中容八百一十分由一分管長空圍中容九十分積之凡求度量衡由此圖管生方龠益明矣然空圍

九分乃筭家內用與長相終律長九寸百七十一非空中容九方分

分而終復三復而得甲子

終天數八十一終地數九十合爲百七十一分

即九章歲數也其詳見後乃九黃鐘之九以十乘之積八百二

十分為日法應曆一統六林鐘之六以十乘之積

三百六十分當曆之日八太簇之八以十乘之積

六百四十分應卦之氣既以八十一寸為日法矣又以應曆一統則是八百

一十分不過簡數立法耳宋人執定此為圓管積

分不知其為方俞胡氏餘曰黃鐘之實既曰八百

一十分矣然以林鐘之實五百四十而乃以為三

百六十分太簇之實七百二十而乃以為六百四

十分各以其長自乘則非蔡氏新書既知其簡數

配合為說矣乃於黃鐘觸音積八百一十分而以

并法圓田術務求其合何也亦不知林鐘太簇亦可

以此牽合否耶其為曆法所誤亦甚矣又按漢志

於黃鐘云此之義起十二律之周徑孟康不察

乃謂凡律圓徑不同黃鐘圓九分林鐘圓六分太

簇圓八分後魏安豐王延明依其說作律吹之不

合黃鐘商徵之聲必皆空圓九分乃與均鐘器合

由此言之徑三圓九竹管自然圓虛之數也大氏

律管圓本是八十一分龠體方則有九十分漢也

以曆合律宋人是故律謂之分以生黃鐘史記謂

反以律合曆是故律謂之分以生黃鐘史記謂

分如子一分丑三分九之而氣應以興樂十之而

二之類律以分得名九之而氣應以興樂十之而

數備以起曆故居陰而治陽曆則倚律數以立法

故居陽而治陰易曰參天兩地而倚數是故天地

之數有始有中有終天一地二其始合也以倚法

實以分陰陽地始於一倚其一自一而三以倚法

陽於中數常盈月為二陰於朔數常

縮自至朔復端於始其倚數一也天五地六其

中合也以生聲律以司日辰天中於五而聲生為

則有十干地中於六而律生為倍而為辰則有十

二支黃鐘必十一三之自黃鐘為始包十一宮至

黃鐘為終而六十調備矣自十一月冬至為始也
十一中氣至冬至為終而六十日行矣故曰十一
而天地之道畢五六相乘
舉正於中其倚數二也
天九地十其終合也以

起度量以齊氣朔天終於九而律上九體固圓也然度自此起故以圓而用方

地終於十而曆上十體固方也然日法自此行故以方而用圓十九歲為一章九章百七十一歲一

小終三小終為一會十其八十一九其八十一九
會一千五百三十九歲為一統既以十乘一而

月行九道九會復元則閏分月朔數曰年日與月
食俱沒歸餘於終其倚數三也

會也中數曰歲天與日會也王者受命有正朔則

有正歲正朔布治法正歲則徇以木鐸曰不用法

者邦有常刑正朔周之正月元非徒空言布算而日也正歲謂冬至

已是故天地之運陰陽之會無不反其始而復行

乾之初九復于甲子歲功之出起于冬至夜半七
政之行復于牽牛之初所以黃鐘為萬事根本也
曆以知天地之時正朔服色名物制度由此而立
禮則生矣祀天祭地饗人皆因其時而必樂以和
之禮勝則離故也律以述天地之氣聲容情文鐘
鼓笙磬由此而備樂則成矣雲咸韶夏漢武皆合
其氣而必禮以節之樂勝則流故也然則律曆既
正禮樂其則矣乎

是故以下生者倍其實三其法以上生者四其實三
其法如法則上九而已矣商八羽七而角六窮萬實

會於五徵同於九律以此生樂以此成

通曰天道之行也一陰一陽故自一而二是爲倍其實地道之承也陰爲柔陽爲剛故自二而四是爲四其實實者十二律之實數也人道則參乎天地故實之倍且四者皆三其法法者十二律之生數也黃鐘倍其實以生林鐘自一爲二故曰丑三分二三分者三乎一者也又自二而三之至亥得林鐘之實而於黃鐘爲三分之二故曰以下生者倍其實三其法寅之倍八爲卯十六以生南呂也亦如之林鐘四其實以生太簇自二爲八故曰寅

九分八九分者三乎三者也又自八而三之至亥
至亥得太簇之實而於黃鐘爲九分之八故曰以
上生者四其實三其法卯之四其十六爲辰六十
四以生姑洗也亦如之巳一百二十八以至亥亦
皆如之何謂上九陰方以靜者其數偶陽圓以動
者其數奇律數紀陽不紀陰故黃鐘之實一十七
萬七千一百四十七惟寫其陽動之一聲而已自
子一而三之至酉得一萬九千六百八十三爲九
分之一是寸法也

又以九分之則爲二千一百八十七是分法也又以九分之則

爲二百四十三是釐法也又以九分之則爲二十七是毫法也又以九分之則爲三

是絲法也自然

以下為忽為林鐘之為徵宮太簇之為商宮南呂
初為秋不用

之為羽宮姑洗之為角宮至酉各得其寸亦皆有

九分之一如黃鐘八十一之數故為五音之正也

徵五十四商七十二羽四十八皆會於辰而八十

一分之六十四獨包焉此樂奏宮角所以合與張氏

行成夫五音入律至辰得其數至酉得其寸至亥

則十二律之實備矣其畸數惟黃鐘一三九七居

四正十一律皆二六八四居四隅圖書之相經緯

也黃鐘之實十七萬七千一百四十七而以一萬

九千六百八十三為法實如法亦得長一寸亦黃

鐘爲九寸也然則十七萬七千一百四十七與夫
所謂八十二者雖多少之不同而其實一也萬九
千六百八十三與夫所謂九者雖多少之不同而
其法一也胡氏論凡五聲之官皆有九九之一至
審律論酉而得故律書曰上九商八羽七角六宮五徵九
宮等至辰五聲已備與徵相合故云然也及秦樂
則推十合一而爲九變所上者亦九而已矣商八
變羽七變角六變皆反于其宮與律生數正同
列以候氣正曆者也呂在陽則下生律在陰則上生
通曰律本黃鐘黃者中之色君之服也鐘者種也

天之中數五

一三在上
七九在下

五為聲聲上宮五聲莫大

焉地之中數六

二四在上
八十在下

六為律律有形有色色

上黃五色莫盛焉故陽氣施種於黃泉孽萌萬物

為六氣元也以黃色名元氣律者著宮聲也宮以

九唱六變動不居周流六虛始於子其數八十一

主十一月下生林鐘數五十四主六月上生太簇

數七十二主正月下生南呂數四十八主八月下

生姑洗數六十四主三月下生應鐘數四十二主

十月上生蕤賓數五十六主五月上生大呂數七

十六主十二月下生夷則數五十一主七月上生

夾鐘數六十八主二月下生無射數四十五主九

月上生中呂數六十主四月極不生陳氏曰黃鐘

陽以生陰林鐘南呂應鐘益陰以生陽蕤賓夷則

無射又益陽以生陰大呂夾鐘中呂又損陰以生

陽何則黃鐘至姑洗陽之陽也林鐘至應鐘陰之

陰也陽之陽故陽常下生而有餘陰之陰故常上

生而不足蕤賓至無射則陰之陽也大呂至中呂

則陽之陰也陰之陽則陽常上生而不足陽之陰

則陰常上然則子午以左呂在陽則皆上生子午

生而有餘以右律在陰則皆下生矣陽由冬至而極于巳

陰由夏日至而極于亥陽類盛則柔易為剛陰類

盛則剛易為柔猶兩儀具於太極之中大德敦化

也凡候氣管皆無孔漢志曰殿中候用玉律十二

惟二至乃候靈臺用竹律六十候日如其曆

欽以考聲正樂者也律爲陽而下生呂爲陰而上生
通曰律始於易陰陽九六爻象所從出也其吹以
收聲則六律以六呂爲同一律併一呂而吹之律
爲陽陽道常饒必下生焉下生者以上生下皆三
生二損一分也呂爲陰陰道常乏必上生焉上生
者以下生上皆三生四益一分也陽爲乾元用九
陰爲坤元用六故黃鐘以乾之初九下生林鐘坤
之初六林鐘又上生太簇之九二太簇又下生南
呂之六二南呂又上生姑洗之九三姑洗又下生
應鐘之六三應鐘又上生蕤賓之九四蕤賓又下

生大呂之六四大呂又上生夷則之九五夷則又下生夾鐘之六五夾鐘又上生無射之上九無射又下生中呂之上六同位者象夫妻異位者象母子所謂律取妻宮生子也本黃鐘以生之五下六上乃一終矣是故律之旋宮呂輒歸焉傳曰召雲者龍命呂者律其此之謂歟五聲相生始自宮徵天煦地嫗陽施陰受質有剛柔厥聲乃和一陰一陽剛柔相錯小德川流也

攷聲管有孔詳見樂均

鑄鐘立均律呂不易十二月行之所以宣氣豐物也通曰黃帝因十二筭鑄十二鐘律度量衡生焉大

琴長正度八尺一寸施十三絃以均鐘制常昭謂漢

伶州鳩曰律所以立均出度也古之神瞽考中聲

而量之以制度律均鐘度其長短聲百官軌儀軌道

紀之以三天地平之以六律也成於十二呂兼天之道

也夫六中之色也故名之曰黃鐘鍾聚也陽所以

宜養六氣陰陽九德六府也由是第之二曰大

簇陽氣太簇所以金奏太簇正聲為贊陽贊佐出

滯發伏也三曰姑洗姑洗所以修潔百物考神納

賓合致神人也四曰蕤賓陽氣委蕤於上陰氣所

以安靖神人屬酬交酢也五曰夷則夷平所以詠

歌九則

九功之法則

平民無貳

貳也

六曰無射

萬物藏氣收

射所以宣布哲人之令德示民軌儀也為之六間

六間即六呂在陽律之間以揚沉伏

發揚滯而散越也

元間

陰繁於陽以黃鍾為主故曰元間

大呂

天氣成於黃鍾受之於大呂助宣

物也二間夾鍾

鍾陽出

四隙之

田四時間隙之也

三間中呂宣中氣也四間林鐘

林鐘和展審百事

俾

使莫不任職

肅

肅也純也大恪也

五間南

任呂贊

陽秀也六間應

合

鐘均利器用俾應復也律呂不

易無姦物也

姦犯害也

均鍾既定八音克諧天子乃布

政明堂月開斗建之門視朔頒令迎氣朝會各以

其月之律奏食舉之樂

閏月無中氣分用前後月律御門闔兩扉故闔以王

居門為文
詳大司樂

故曰十二月行之所以宣氣豐物也黃

鐘之月土事無作慎無發蓋以固天閉地陽氣且
泄大呂之月數將終歲且更起而農民且有所
使太簇之月陽氣始生草木繁動令農發土無或
失時夾鐘之月寬裕和平行德去刑無或作事以
害群生姑洗之月達道通路溝瀆修利申之此令
嘉氣趣至中呂之月無聚大衆巡勸農事草木方
長無攜民心蕤賓之月陽氣在上安壯養俠本朝
不靜草木早稿林鐘之月草木盛滿陰將始刑無

發大事以將陽氣夷則之月修法飭刑選士厲兵
詰誅不義以懷遠方南呂之月蟄蟲入穴趣農收
聚無敢懈怠以多為務無射之月疾斷有罪當法
勿赦無留獄訟以亟以故應鍾之月陰陽不通修
別喪紀審民所終

聲生於日律生於辰律有長短則聲有清濁聲有清
濁則宮有上下聲之變也由應鍾始也律之變也由
中呂生也五聲六律十二管還相為宮而陰陽備矣
通曰五六者天地之中合而民所受以生也天有
五聲以司日分清濁而為十干地有六律以司辰

分律呂而為十二支法曰甲巳子午之數九乙庚

丑未八丙辛寅申七丁壬卯酉六戊癸辰戌五巳

亥四甲巳為徵乙庚為商丙辛為羽丁壬為角戊

癸為宮宮于中呂應鐘其樂四變姑洗無射其樂

五變夾鐘南呂其樂六變太簇夷則其樂七變大

呂林鐘其樂八變黃鐘蕤賓其樂九變聲必正於

律而成音者天依地地承天也張氏行成曰聲本

分屬五音者天無體依地以為體地無用承天以

為用天元五運甲巳土戊癸火而五音則戊癸宮

甲巳徵者子生於母故元氣本於土始從其天故
土運易為火恒以流徵也古聲義取坤乾也相生
之次律則戊巳庚辛壬呂則癸甲乙丙丁聲律相
是巳大小之序則戊七變至乙官南之類聲律相

乘究於六十六甲五子三十六為陽二十四為陰
六律五聲如之故建律運曆以應六十日焉雖黃
鐘九寸紀陽不紀陰然陽動之中又自有陰陽也
非知天地之化育者孰能與於此哉官律長而商
角徵羽之律短則用全律正聲謂之太官律短而
商角徵羽之律長則用半律子聲謂之少黃帝書曰通天
從地和運調化使上下合德無相奪倫有六紀焉
辰戌也卯酉也寅申也丑未也子午也巳亥也有
大角大徵大宮大商大羽則有少角少徵少宮少
商少羽天地升降不失其宜五運宜行勿乖其政
是少宮少商與天地俱生也唐楊收傳與安浚辯
乃謂文王時無少商以琴二少絃為文王加少宮
武王復加律長聲濁為下官律短聲清為上宮以
少商誤矣

律呂分之黃鐘大呂太簇夾鐘下也姑洗中呂蕤

賓林鐘中也夷則南呂無射應鐘上也以四下宮

各半律加四清聲焉鐘磬簫管皆十六為此然聲窮於角三

分之數不可行角六十四分餘一乃設小分生變宮變徵

黃鐘為宮陽律也應鐘反以呂為宮林鐘為徵陰

呂也蕤賓反以律為徵變宮聲四十二小分六此變徵聲五十六小分八此

所以為變聲也至於三分中呂之實餘二筭三之

為小分六變律自此生焉三分損一得黃鐘含少

即三十九分吹以為聲者也八萬七千二百八十

實律長四寸三分八釐五毫強中呂陰也下生含少陰道常乏而

反饒林鐘變律上生姑洗變半亦如之舍少陽也上

生林鐘陽道常饒而反乏太簇變半上生南呂變

之亦如變聲猶可以其實生午至亥變律生至于應

鐘以三分之又不盡一算數又不可行此變律所

以止於六也六變律即京房六十律中執始去減

故正律十二黃鐘林鐘太簇所以為三統者以無

應鐘蕤賓得全蓋大呂夷則得全毫夾鐘無射得

全絲中呂得全忽而變律生矣變律有六含少亦

得全忽林鐘太簇得全初南半律八太簇姑洗蕤

夾鐘無變律三林鐘南變半律五黃鐘林鐘太合

之二十有八樂說曰天有三垣焉帝居紫微日臨

太微歲臨天市宿黃鐘之函三為一

也有七政焉而日月五星皆循黃道受事於帝而出猶樂均之七音也有二十八舍爲經星猶樂之二十八調也俗樂七宮七商七羽七角亦偶同律以出聲而合陰陽陽極于中呂生黃鐘爲徵甲子也乙丑則爲應鐘之商陰極于應鐘生蕤賓爲徵甲午也乙未則爲中呂之商陰陽相參自己亥左還而成六十日爲乾坤始復之象著矣雖益以二變而濟九成爲六十調八十四聲其實十二管還相爲宮耳夫奚繁之有呂之助律也順乎辰也故謂之六間律之合呂也應中呂也故謂之六同六樂分序天之曆數在焉歌奏會則日辰交日辰交則吉凶生宮不離徵商和宮

清角流徵迭為聲應所以保大和也詩曰君子萬年
永錫祚胤其斯之謂與

通曰伶州鳩論六律六間皆左行而右還循十二
斗辰振天而東律之本體也周官大師掌六律六
同合陰陽之聲陽聲與州鳩同陰聲則右行而左
還應十二日躔違天而西律之妙用也黃鍾在子
合辰丑之
類故黃鐘紀元氣之謂律肇萌於子紐牙於丑引
達於寅肩於卯萌生也
莫保切振美於辰已盛於已
𡔷布於午昧愛於未萎蔽也申堅於申留執於酉畢
入於戌該闕於亥出甲於甲奮軋於乙明炳於丙

於丁豐琳於戊理紀於巳欽更於庚悉新於

於壬陳揆於癸此言律生五聲故陰陽之施化萬

之終始既類旅於律呂又經歷於日辰而變化

之情可見矣十二律統一歲一律統一月一月之

居其三德十二律官商角徵羽七十有二凡王衡

构建天之綱也王衡斗中星也在子日月初躔星

之紀也斗綱之端連貫管室蠡女之綱紀之交以

原始造設合樂用焉合樂起黃律呂倡和以育生

成化歌奏用焉大黃鐘大呂倡和指顧取象然後陰陽

萬物靡不條鬯該成象謂五土物格大奏子辰申

之律歌丑酉巳之呂陰助陽也故大呂中呂南呂
皆謂之呂是為陽紀奏寅午戌之律歌亥未卯之
呂陽合陰也故應鍾林鍾夾鍾皆謂之鍾是為陰
紀陰紀徵流於商而商昧其明陽紀羽縵於角而
羽隱其常皆視角之羽變故歲星主福德以應角
歲星為陽從日右行於天太歲為陰從斗左行於
地十二歲之初歲星初與日同次在星紀丑辰則
子月也故太歲在子明年移向子則丑月也故太
歲在丑樂說曰歲星與日常應太歲月建以見此
曆元之始爾歲終一辰則與太歲異矣辰星正四
百四十四年而超一辰則與太歲異矣辰星正四
時以應羽辰星出以辰戌入以丑未右行四仲春
至效斗牛德合則吉德如子未申卯刑衝則凶
同而復始德合則吉德如子丑寅亥刑衝則凶

如卯寅巳亥生合得歲君父之象也故主清角生

謂水其衰也淫于玄牝以害鳥帑武王伐殷歲在

鷄火辰在天龍午未子丑皆生合也姬周木德出

自皇姓大姜天龍齊分野顓頊之後有木木相生

之象襄廿八年歲在星紀而產於玄枵裨窳曰周

王楚子皆將死歲棄其次而旅於明年之次周楚

惡之以卯辰在子亥則衝妃合得歲婦子之象也

在南午局分巳楚分也

故主流徵火以金為妃木以火為妃土以水為妃

實沈遷于大夏主祀參唐人是因成王威唐而封
叔虞南有晉水子燮遇晉為晉侯故參為晉星唐
叔受封歲在大火大流徵妃合之道也及文公之
為金夷則以夾火大流徵妃合之道也及文公之
入董因迎於河曰歲在大梁將集天行元年始受
實沈之星實沈之履晉人是居所以興也今君當
之以無不濟矣君之行也歲在大火是謂大服以辰
出以申入皆晉祥也而天之大火紀也濟且陳成必

果如其言後傳曰得歲者昌逢辰者祥斗之所擊攻

戰必克周官馮相氏掌歲月日星辰辨其叙事以

會天位所謂辰在戌上者此也斗杓者卯辰也歲星為杓所依福德

愈厚杓衝緯之則福德散矣昭七年四月甲辰朔

日食於卯時自豕韋之末及降婁之始乃息今之

二月也日在降婁魯分加卯亥為豕韋衛分加辰

皆下賊上斗建卯而戌合之故魯禍後衛君死

書曰王省惟歲太歲入律卿士惟月月建入律師

尹惟日日辰入律十日十二辰各有主焉甲齊乙

楚丁南夷戊魏已韓庚秦辛西夷壬衛癸越子周

加程寅楚卯鄭辰晉巳衛午秦未宋申齊酉魯戌

然亥事物之至以日辰推之一夜亡失崔浩曰神

降于華其至之日名其物也庚午之夕辛未之朝

天有陰雲焚盛之亡當在二日庚午皆主秦辛未

西夷姚興據咸陽必斗之所加與時順逆視王相

休囚而吉凶生焉三辰交故也日躔統天之經緯

合辰則斗與日星交矣斗加孟神在內然在外行

人未發病者大困利商賈不利行師加仲神在門

然將入行人發病不成師連漁獵得加季神在

外然在內行人至病者重利行師不利商賈凡歲

月日於時順不陵犯傷王相之氣則事皆凶春木王火相土

逆相凌犯也休囚之氣則事皆凶春木王火相土

形金囚水休樂調律曆以聲召氣歲之所在為福

災斗之所擊為刑角之應宮其數三歲氣會同也

章積為統日至之日寔同子申辰丑巳酉寅午戌

而後始世謂三合但古者甲子今則不然羽之應宮

日歷甲申甲辰辰於甲子今則不然羽之應宮

其數四天道鈞繩也歲積為章日至之時亦同午

卯酉居正謂之絕寅申巳亥與辰戌丑未相間謂
之鈞世謂四仲四孟四季至日黃鐘以子時應則
明年在卯五年兩歲相距以甲巳乙庚丙辛丁壬
而復古今不易戊癸為序歲遷六日而樂之聲變亦如之今年甲子冬至明年巳巳其後若在乙丑明年則庚午餘可例推
冬至子午夏至卯酉冬至加三日則夏至之日也
雲門咸池九韶先之大夏大濩大武後之帝王曆
數之序也凡會天位以興樂則合辰而已矣吳元
未歲在星紀明年洪武改元歲在亥楊我朱氏出
自陳后顓頊之後此黃鐘大呂之合也壬午靖難
歲在析木燕分野則太簇起成池以故律非但月
承雲宮唱商和父子萬年曆數之象
也歲與日時皆然考王十五年正月戊申朔旦冬
亥夜長夷則之上宮是巳曆法分黃鐘八十一於
九時以廿七為月周天之數月廿九日又八十一

分日之四十三以二千三百九十二為月法四分
之弦望晦朔各五百九十八為通法其三時廿七
分即四分日之一與左應中呂為官夷則起黃鐘
天四分之度之一合

甲子中呂右朔應鐘為官太簇起蕤賓甲午應鐘

太簇甲寅林鐘姑洗甲辰南呂夷則甲申大呂無

射甲戌夾鐘皆合應之前律曆志天施復於子地

或於申故鐘數三統天以甲子咸池承雲九韶聲

交於日辰矣其樂帝曆起甲寅然三王以前章數應

黃鐘八十一而甲子終復日行陽會舒以長也三

王以後章數蕤賓五十七而甲子不終復日行陰

會繼以短也章之相繼日至時辰子酉午卯逆行

順行而復故三統為一元八十一章為一統九章
為一會十九年為一章自漢以來歲之相繼猶舊
也然七歲即易章之相繼則如律生呂庚戌歲已
卯朔旦冬至子時已巳歲則已未未時戊子歲則
已亥寅時皆縮二辰故自晉太興庚辰歲甲子
冬至迄洪武甲子歲後得甲子僅五十七章虛

正聲三調以象三辰太極運三辰五星於上惟用
元氣轉三統五行於下

八十一調以應一統黃鐘天統林鐘地統太簇人
統八十四調體其三也八十

一章自八十一分為統母樂聲應月法亦如之故
八十一調虛三調而起角羽益三宮惟奏以管而

金石以羽角應弦也後周王朴嘗言及此而不施
用按俗樂琵琶八十四調內黃鐘太簇林鐘宮聲

絃中彈不出須管色定欲其餘八十一調皆以姑
此三調為準不用管色定欲與蓋亦古樂遺法姑

洗南呂角羽並起六變而夾鐘之羽夾則之角聲

應黃鐘八變而中呂之羽無射之角聲應太簇者

為君聲辟無射商也宮不離徵併兩而吹羽縵於
角商和之則流徵合而五聲備矣歲氣會同不為
商克千歲日至合于九變保合大和而祚永胤昌
自然之應也雖皇極一元倍法亦起於此非明於
律曆者其孰知之皇極經世如一而一併法起於律曆
蓋陰陽自一而二則柔自二而
四日月星辰水火土石自四而八至千一百二十
八為應鐘之實倍之二百五十六三交而為三萬
二千七百六十八而四之則十三萬一千七十二
中呂之實也日與天會為陽於三有六十一上盈月
與日會為陰於三百六十一上倍氣盈朔虛之數各
六為一月朏朧於日月交感之際陰陽盈虧以求
歲差為自草木萌動至地始凍惟二百五十六日
應鐘之數陰交陽主植物中呂陽交陰主動物而
律有開翕呂有倡和平上去入生萬
聲開發收閉生萬音變化之數備矣

樂有律而後有序有序則節於禮矣其禮簡者其音
疏其禮繁者其音周九變始終其黃鍾之宮乎

通曰樂有合而後分序之皆由於律得律則有序
此樂所以節於禮也夫百神之祀自郊丘而達於
七祀均爲禮也而莫重於郊社宗廟之祭自禘祫
而達於時薦均爲祭也而莫隆於禘嘗故舉郊社
禘嘗則盡之矣夫宗廟之饗水陸之產莫不畢薦
又爲之宮室之美車服之盛焉而饗帝則三獻燔
一獻孰因地以爲之丘陶匏以象其性玄酒以享
疏布以幕葉枯以藉而且大輅以載大裘以服此

疑於畧矣然尊而不敢褻故其禮簡敬之至也黃
鐘大呂二律特長非他律所能役亦非繁奏之舞
所能與者故用以降神焉何則其禮簡則其樂音
疏也宗廟之祭則子之於父也孫之於祖也事親
之道其見也無時其獻也無節志於和而無事於
簡主於悅而不嫌其瀆禮雖降於上帝而反豐焉
故昭穆之序以爵爲位而宗人授事以官尸之餘
君與卿餼之卿之餘大夫餼之大夫之餘士餼之
而後煇胞翟閭無不霑澤餼祭之末也而尊卑秩
然如此他可知也故追遠之道至於士廟而又爲

世室祭祀之典行於四時而又特爲禘祫割牲臠
事也行之於君執盞末役也而從之於夫人冕而
揄干率其群臣以樂皇尸而不嫌於卑盥其始也
齋戒謹潔而庶幾見其聲音笑語之容及其祭之
也與尸酬酢而求象其平日飲食之事此親愛之
篤也天子特初而廢祫爲方春物未成而禮不備
故也祫禘祫嘗祫蒸而諸侯嘗祫蒸祫誠至而物
備故也玉瓚而大圭王豆而雕俎齊明以臨之盛
服以行之水陸畢薦而朝踐朝獻不厭其繁此盡
事親之道也而樂音周密亦如之夷則中呂無射

夾鐘雖黃鐘以為祖禰而其奏則繁矣是故合之

也聲合清于濁律合短于長

夷則南呂合於雲門無射應鐘合於咸池

黃鐘於夷則為孫於無射為子有上治祖禰之象焉

故律之詔吉凶也事物至前已往之源起調始乎祖宗也未來之委于孫也十一均皆然起調始乎

黃鐘之宮九變終乎黃鐘之宮郊望宗廟皆如之

記曰杓栳有樂而食嘗無樂飲養陽氣也故有樂

嘗俱用何也律呂之本而樂之統也

規矩之成方園也律呂之正五音也皆法也器成而

法退藏矣是故法不易則樂興感於人心天下和平

通曰公輸子之制材木也定其規矩而方園成方

圜成而材木皆中規矩矣師曠之諧五音也定其

律呂而五音正五音正而樂器皆中律呂矣夫律

法也方其候氣則用無孔之管王氏律曰古玉律

其下一半空圜其小度地氣而上之管成則按律以孔竹吹律以調

絲如黃鐘之管以六十四分為角孔則黃鐘之琴

以六十四絲為角絃餘皆如之周禮所謂度數禮

運所謂還宮是也律在管孔之中故吹之而聲和

子朱子琴律說引沈括管色定絃正如此今吹無孔之管則氣從下洩

無復清濁高下五音何由而正邪宋名臣言行錄

通吹律不諧無孔故也京房之準荀勗之笛梁武帝之通雖非古制然猶孔竹調絲以諧古鐘磬皆

相應近有妄人邵公儲日吹無孔竹簫喪心而死可為殷鑒 管若無孔則瑟必

無絃宮何以還聲何以生樂記何以有迭相陵之

戒此筭律者所以終歸於無用也是故規矩為方

負之法方負成於材木之中而規矩藏矣律呂為

五音之法五音正於樂器之中而律呂藏矣規矩

用於材木律呂行於樂器正猶治天下之法度即

行於天下初非法度自法度天下自天下也律呂

不易則三分損益斯無難矣何氏孟春曰律呂積

立簡易之法黃鐘三分損一下生太簇亦以紙六寸

律尺九寸林鐘三分益一上生太簇亦以紙六寸得八寸餘三停添一停共世無輪囷非變規矩則變律呂是

以鑿枘垂戾而不合聲音泛越而不和此所以苦

竊淫哇與後世不知黃鐘為律本妄意條之周武

黃鐘以林鐘為調首其後或獨奏之隋文帝止奏

後孤立或升奏胡樂唐玄宗升胡部於堂上奏用

皆以邊地名及祿或易名景鐘宋徽宗初封端王

山天三州皆陷或易名景鐘得宋成公望鐘於

端州以為祥乃命魏漢津制樂鐘景鐘九尺為君

凡大晟樂器悉以金銘景鐘商金也後沒于金

皆召災變而知黃鐘之數者不知用以制器和

平安有期邪故曰上古造律其次聽律其後律

熊氏朋來曰周禮有聽律之官無算律之法過圓
准南上下生且不定何以算律哉蓋律實重上生
與大已在陽則倍其法一
耳紛紛爭較何益於樂

樂典卷第十八

樂典卷第十九

樂義七

樂音章第七

先王立樂五聲必有二變以均音焉變宮者和也變徵者繆也宮倡商和迭爲羽角所以濟九成也

通曰包羲氏作易紀陽氣之初以爲律法建冬日至之聲以黃鐘爲宮林鐘爲徵太簇爲商南呂爲羽姑洗爲角應鐘爲變宮蕤賓爲變徵此聲氣之元五音之正也故各終一日其餘以次運行當

者各自爲宮而商徵以類從焉

後漢律曆志京房六十律首論七音

而每律惟曰某為宮某商某徵者正以二變還黃相為羽角而成宮徵商三調故曰五音之正

帝制管以吹含少下自正宮上至變宮凡三十九

分以比黃鐘之宮適合然變聲惟三而已新書曰

實六十四以三分之不盡一算既不可行當有以

通之聲之變者二故置一而兩三之得九以九因

角聲之實六十四得五百七十六三分損益再生

變宮變徵二聲以九歸之以從五聲之數存其餘

數以為強弱至變徵之數五百一十二以三分之

又不盡二算其數又不可行此變聲所以止於二

也故變宮四十二小分六變徵五十六小分八愚

按黃鐘之均為十一均所宗故應鐘為變宮之宮

殺賓為變徵之宮堯蓋因之及舜五載更著四時

止此二數而已推六律六呂詢十有二變而道弘廣見尚書大傳

不止黃故十二管皆有三調流轉用事律必娶妻

鐘之均

孤陽不生故徵代為宮而變宮為角呂必生子獨
陰不成故商代為宮而變徵為角合而奏之內之
為夫婦母子之道也黃鐘既以宮倡太簇復以商
和分而序之外之為君臣之道也傳曰變宮比於
正音故為和變徵不比於正音故為繆和者諧和
之和徙而相近婦之從夫也繆者昭繆之繆衡而
相于十之繼父也樂志釋變宮曰徙聲也流徙羽
也與正徵迫近為背孔於後猶臣子必有和繆而
北面故不比於正音而位則相衡也
後三調成以之倡和則五均備黃鐘一管備林鐘
大簇二均太簇一
管備南呂姑洗二均是五均各有五其應天時也
聲也姑洗蕤賓以下倡和皆如之

冬日至昃短盡五聲而六變故黃鐘之月比應鐘則為變宮夏至昃長盡七音而八變故蕤賓之

月比黃鐘則為變徵

十二律應二十四變詳見樂均

其本人聲

也喉齒牙舌之外有半舌半齒焉半舌聲近變宮

應鐘曰凡是已

凡字半舌字半齒字半

齒聲近變徵蕤賓曰勾

是已

勾字半齒字半

五聲為經七音為緯審其自然之聲

入在何律而協以成音緩急清濁回旋曲折必以

二變通之所謂雜比者也是故黃鐘倡而太簇和

姑洗倡而蕤賓和迭為羽角金聲玉振以濟九成

焉夫每律用七音為均相和而均調羽之與宮角

之與徵雖各間二律而有二變則間若一矣

新書曰五

聲官與商徵與羽各間一律至角與徵羽與官乃各間二律相去一律則音節和相去二律則音節遠故角徵之間枚一聲比徵徵下謂之變徵官羽之間枚一聲比官火高謂之變官及奏則變官與官比變徵凡調皆迭用以成始終實本於黃鐘之與徵比

均故黃鐘為天始林鐘為地始太簇為人始姑洗為春始蕤賓為夏始南呂為秋始應鐘為冬始漢律曆志引書曰予欲聞六律五音七始詠以出納五言汝聽七始詠今書作在治忽書大傳亦曰五載一巡狩群后德讓貢正聲而九奏具成定以六律五聲八音七始著其素五聲天聲也八音天化也七始天

統也蓋統諸黃鐘也

先有六律然後可定五聲二

定則被諸八音之器而奏七始之誅八音主於人聲即喉齒牙舌唇之五言也

水土不發動木不茂升小大不駕和音不中平其矣
聲之專一不足聽也必變之使雜則更倡迭和疾徐
訕信生於心者復感乎人矣是故樂非五節不成節
非二變不備其始一也一變而爲七七變而爲九九
者氣變之究也乃復反而爲一

通曰五行之序木爲之始水爲之終而土爲之中
以河圖洛書之數言之則水一木三而上五皆陽
之生數而不可易者也故得以更迭爲主而爲五

行之綱以德言之則木爲發生之性水爲貞靜之
體而土又包育之母也故水之包五行也以其流
通貫徹而無不在也木之包五行也以其歸根反
本而藏於此也若夫土則水火之所寄金木之所
資居中而應四方一體而載萬類者也是故乾道
之終始貞元而已矣官調之終始羽角而已矣方
其始上則商也角也變徵也而角爲之中商與變
徵相去之分數皆八而角當其九五行之包於木
也其又上則徵也羽也變宮也而羽爲之中徵與
變宮相去之分數皆六而羽當其七五行之包於

水也若設宮分羽自羽至宮相去之分數皆十六而角當三十二之中故奏樂必先角羽而金聲玉振則中聲在焉七音惟主五聲之正者正以變宮變徵更迭爲角羽以求中聲之所止耳夫同聲相應謂之均異音相從謂之和鼓宮而宮動鼓角而角動以同相應聲之專一誰能聽之若以水濟水誰能食之故必變之使雜鼓宮而徵應焉鼓角而羽應焉則流行散徙不主故常而生變矣故曰氣同則合聲比則應包羲氏之所爲駕辯也細駕於大濁以倡清大駕於細清以和濁如水火之相濟

宮本濁也角應之則徐而慢角本中也羽激之則疾而清商聲剛矣徵制之則抑而詘羽聲柔矣宮合之則揚而信仲通如五味之相和夫如是故鴻殺高下出入周䟽足以感人之聽矣何也雜比五聲而爲音本由人心而生者也所感有善惡之異音亦如之及以爲樂則又感於人心焉善樂感人則人化於善不善之樂感人則亦化於惡是樂出於人而還感於人猶如雨出於山而還雨山火出於木而還燔木不可以不慎也慎其所以感之者故有五節遲速本末以相及五聲皆降則曲一成

而五節之間長短希數皆間若一焉蓋黃鐘之均
五節至于姑洗而角羽未備太簇和之應以變宮
大呂則爲羽變徵夷則則爲角矣林鐘之均五節
至于應鐘而角羽未備南呂和之應以變宮夷則
則爲羽變徵夾鍾則爲角矣五節一周宮倡商和
前聲暫息以待後聲此所謂一成也夫凡聲陽也
陽動於一一變則有七音合商二變則爲九既成
九變則聲皆返本還源水木火金退藏於土是角
羽商徵歸宮之象也故曰九者氣變之究也乃復
返而爲一天不過九野地不過九州樂不過九成

學士教於成均歌奏必推十合一此士之所繇名也

聲者情之質也音者聲之文也納以民言出以君命節以律呂施以英韶以順天地以敘四時以應人倫以化百物雜變並會合同乎一是故羽調以角角調以徵徵調以羽七政齊而六府脩矣音也者始於宮分於商而成於角徵羽者也

通曰物感於外情發於中而單出者聲也曲折成方交錯成文而雜比者音也采詩於民納之于上始則聲出於情質焉而已擇其感正而言雅出以

君命用之絃歌則入律而有文矣對待爲六列謂之英流行爲九奏謂之韶宮以綱之之謂調句以節之之謂曲然後聲足聽也文足論也作之在君采之自民是故音紀宮角樂之象也小大以成之中正以平之琴瑟尚宮鐘尚羽石尚角是故姑洗南呂角羽並起林鐘太簇宮徵相應函三爲一之象也始則宮角之羽相應爲角其音專一乾陽一而大故以象夫繼則雜之以徵羽林鐘之角羽應鐘與夷則合宮羽之變宮太簇之角羽蕤賓與夾鐘合宮羽之變徵自角而徵自徵而羽非復前音

矣坤陰二而小故以象地鐘以聲之角羽並起而
二變和焉角爲春徵爲夏商爲秋羽爲冬四時叙
矣磬以收之宮徵相應而節奏明焉有貴賤有親
疏有長幼有男女人倫應矣今夫木行東方王於
春萬物生杜焉故角調以徵火行南方王於夏萬
物盈宇焉故徵調以羽金行西方王於秋萬物成
章焉故商調以商水行北方王於冬萬物錄藏焉
故羽調以角土行中央王於四季百神仰制焉故
宮調以宮宮商異調而同奏故黃鐘之比宮太簇
之比商無更調也律書於黃鐘曰宮太簇曰商是

已然林鍾曰角南呂曰徵姑洗曰羽又中呂曰徵
夷則曰商應鍾曰羽或謂五音以宮生角角生商
商生徵徵生羽求其理用罔見通途律志是豈知
聲應之調乎姑洗本黃鐘之宮而曰羽者羽調以
角也角之羽羽之角聲應於宮之前故大呂和應
鐘角羽而六變得方信之氣以祀天神林鍾本黃
鐘之徵而曰角者角調以徵也徵之角角之徵聲
應於宮之後故應鍾倡大呂商徵而八變得已詘
之氣以祭地示南呂本黃鐘之羽而曰徵者徵調
以羽也羽之徵徵之羽聲應於宮之角故合姑洗

倡以黃鐘角羽和以太簇商徵而九變得詘信之
中氣以饗人鬼陰陽反對蕤賓之比宮夷則之比
商猶夫黃鐘太簇也大呂之角中呂應無射之徵
是亦角調以徵也林鐘之角應鐘應太簇之羽是
亦羽調以角也舉其畧以例其餘則凡奏宮角而
雜以徵羽始終以黃鐘爲主故曰雜變並會合同
于一謂之雜變則變宮常與宮比變徵常與宮衡
可知矣蓋五聲猶五星然變宮月也猶月之從日
齊以晦朔歸餘於終而成閏也變宮如晦宮變徵與之比如朔變徵
日也猶日之對月致以南北受光於月而成望也

變徵與宮相衡黃鐘在北大呂林鐘皆如之以南則以此協律曆而七政

齊矣六列猶六府然子午巳亥相衡水火之府也

寅申卯酉相衡金木之府也丑未辰戌相衡土穀

之府也二變迭和猶以水和土以土和火以火化

金以金治木木復反土五行相治以成器用以此

施英韶而六府修矣黃鐘之宮有角徵羽太簇自

商爲宮亦有角徵羽正猶字韵上平聲有上去入

下平聲亦有上去入徐景安樂書樂府雜錄皆以宮爲上平商爲下平否

則不能以成調也故角羽並起謂之宮羽合宮角

謂之角徵流於商謂之徵羽縵於角謂之羽太

管奏角羽則中琴大絃與三應三絃與五應管奏
商徵則二絃與四應四絃與六應五絃與七應天
地之氣形諸聲者自然而然非人之所能爲也

聲律相乘爲六十音因而六之三百六十當葢之日
合樂亦如之氣相交而化成矣聲相應而變生矣管
以奏之則金以聲之歌以詠之則王以振之聲應相
保小大不踰夫然後和平有終故夔白於予擊石拊
石百獸率舞庶尹允諧

通曰一律而生五聲十二律而爲六十音因而六
之六六三十六故三百六十音以當一歲之日律

曆之數天地之道也蓋旋宮之法由律生呂併兩

而吹之宮止於十二則為六十音一律一呂以宮

命徵周十二宮復於其所則為三百六十音若一

均七音宮徵變於前羽角變於後成正聲三調變

聲九調則為百四十四音每律宮倡商和者再凡

四管共十八聲亦周十二宮為二百一十六音合

之亦晷日之數也宜春歐陽氏之秀曰律五相生
總為百四十四以為體變之得

二百一十有六以為用乾坤之策具矣十二者正
聲也百四十四者變聲也使不為百四十四者何

以見十二管七音長短之有定數而五聲清濁之
有定分乎其要主於和而已故有正聲則有變聲

也通其變然後
可與論律矣若不還宮直以應日則京房衍義

六十律錢樂之又廣為三百六十律與黃帝之法

恃矣

京房六十律分應一歲之日樂之因而廣之每律直一日稱以黃鐘太簇姑洗林鐘南呂

生三十有四以大呂夾鍾中呂蕤賓夷則無射生

二十有七應鍾生二十有八始於包青而終於安

便然由黃鐘迄于壯進百有五十則三分損一焉

以下生由依行迄于億兆二百有九則三分益一

焉以上生惟安運為終而不生或以一律轉生八

其言與黃帝之法大相抵牾

十四調變化終於一千有八乃俗樂也隋萬寶常傳今按五

聲之均各三百六十合為一千惟十二律應二十

八百音與寶常一千準人者異

四時之變者得之

各五陽生律皆左旋盡五音而六變夏生陰生律皆右旋盡七

音而八變合六十與八十四為百四十四音每一

管七音微得大商得五凡八十二管為二百十

六其合樂也陽紀黃鐘之管起角羽蕤賓生大呂

應之陰紀蕤賓之管起角羽黃鐘生林鐘應之雖
各相對待而其氣則流行焉十二律呂角羽迭倡
二變迭和則為三百六十音矣然宮均倡和七變
為九者二必須角均倡和如之則其終也二變復
為宮之角羽此樂所以紀宮角也角均謂姑洗倡而蕤賓和夷則
倡而無射和無射變宮南呂變徵姑洗復應夷則之角黃鐘為羽角羽角迭為之始
二變迭為之終一管之中三綱不顯九成之後五
德彌章五聲非二變豈能成文也哉是故氣相交
而成化聲相應而生變六列六英皆如之然大樂
必易蓋有要法焉下管黃鐘而蕤賓應以金聲齊

簫故詩曰既備乃奏簫管具舉升歌大呂而林鍾
應以玉振依詠故詩曰既和且平依我聲聲簫鐘
先之瑟磬後之五節之間長短疏數斯間若一故
能依上下而逆奏間合而曲成焉夫聲應始終相
保則和矣小大始終不渝則平矣八音惟石最難
諧和記曰磬以立辨夫樂以合爲主而石聲獨立
辨者以其難和也觀於變言則石聲既和衆音可
知其動物感人也宜矣

黃帝大合鬼神作爲雲門清角象鳳之鳴音始夷則
鑄十二鐘以夾鐘之月奏咸池而流徵應焉有虞氏

合為咸池承雲九韶之樂夏殷修而用之

通曰黃帝之世孟秋之月庚申之日日在翼鳳鳥

至其鳴音中夷則

符瑞志

作為清角

夷則之均黃鐘為用歌必

依於頌磬故磬者夷則之氣也

白虎通義

既以五鐘正

聲之緩急因律呂而廣之乃命伶倫與榮援

一作

鐸十二鐘以和五聲以施英韶以仲春之月乙卯

之日日在奎始奏之命之曰咸池故宮縣東方宮

於夾鐘應月律也夾鐘應夷則而流徵生矣將使

黃鐘以羽生角函鐘以角生徵必也夾鐘其圓乎

古制夾鐘獨圓以象天

圓鐘位卯乃帝出之方雷奮之地鈞

天之野斗日之繫房心明堂之氣旦夜昏明之交
所以合神人和上下通幽明故天神地示人鬼可
得而禮也沈括筆談黃鐘一均圓鐘應以七音皆為羽
夷則應以七音皆為角歌奏之始黃鐘倡太簇大
呂和應鐘宮之聲應在清角商之聲應在流徵而
角之聲應則終羽焉列而為三象三才也雲門清
角自冬音發春而生徵圜鐘之羽以其角應黃鐘
為宮也黃鐘之羽以其角應大呂為角也圜鐘為宮黃鐘
為角太簇為徵姑洗為羽九變而韶以陽紀終奏
與此本同但先終於六變黃鐘歌大呂收聲矣咸池流徵自夏音成秋而終

羽園鐘之角以其徵應太簇爲徵也函鐘之徵以

其羽應應鐘爲羽也函鐘爲宮太簇爲角姑洗爲徵南呂爲羽與此本同但先

終於八變九變而韶以陰紀終奏太簇歌應鐘收聲矣

分而爲四象四時也地道承天而成物咸池承雲

而爲韶其義一也六變義取子繼父而事天明八

變義取母生子而事地察其實郊社宗廟人合天

地皆九變終焉夫律呂十二本於太極元氣雲門

咸池聲應爲八九韶聲應爲四一陰一陽聲應爲

二九變復貫于黃鐘之宮則渾然函三爲一矣夏

后氏萬舞以褰賓對黃鐘殷人萬舞以夷則合中

呂雖小有損益其為韶則皆九變也

周人之七律奏清徵也武象起而韶濩變矣

通曰樂非本弗立非變弗通審一定和者存乎木

比物飭節者存乎變善制樂者窮其本以知其變

善變樂者變其數不變其情周語景王將鑄無射

景王二十三年魯問律於伶州鳩王曰七律者何

七律謂自子至午七清聲對曰昔武王伐殷歲在

之律韋昭註誤以為七音對曰昔武王伐殷歲在

鵠火歲星在張月在天駟五月宿房日在析木之津

津大漢也日辰在斗柄日月合辰星在天鼃也天

宿其七度斗前一度星在天鼃也天

霜次名一曰玄枵辰星星與日辰之位皆在北維

在頌女伏天鼃之首

北方顓帝之所建也帝嚳受之我姬氏出自天黿

水位器帝之所建也帝嚳受之我姬氏出自天黿
玄枵齊之分野及析木者有建星及牽牛焉皆水宿

則我大姜之姪伯陵之後逢公之所馮神也歲之

所在則我有周之分野也鶉火周之分野月之所在辰馬

農祥也辰馬房心星也房起我太祖后稷之所經緯

也百穀播王欲合是五位三所而用之星五位歲月日辰三所星

也日辰在北歲在南月自鶉及駟七列也鶉火之分

也在東居三處故也自鶉及駟七列也張十三度

也天黿房五度歲月之所在從張至房七南北之揆

也七同也七同也七律也揆度也歲在鶉火午辰星
所出自午至子其度七同也左傳正義自戊午至
甲子七日劉歆三統之術筭此五位所在自文王

受命至此十三年歲在鶉火師初發以殷十一月
戊子日在析木箕七度是夕月在房五度後三日
得周正月辛卯朔合辰在斗前一度明日壬辰辰
星初見癸巳武王始發丙午還師戊子度于孟津
去周九百里師行三十里故三十一日而度明日
巳未冬至辰星與婺女伏歷建星及牽牛至婺女
之宿凡神人以數合之以聲昭之數合聲辭然後
可同也古者十二律呂之外加以四清聲周又益以三清聲名為七律舊樂無之凡合神人之樂以數合之謂取其七也故以七同其數而以
以聲昭之謂用律調音也
律辭其聲於是乎有七律七同其數謂七列七同為七律也律和其聲律
有陰陽正變之聲也王以二月癸亥夜陳未畢而雨以夷則
之上宮畢之當辰辰在戌上故長夷則之上宮名
之曰羽所以藩屏民則也王以黃鐘之下宮布戎

於牧之野故謂之厲所以厲六師也太簇之下

宮布令于商昭顯文德底紂之多罪故謂之宣所

以宣三王之德也反及羸內地名內音泊以無射之上

宮布憲施舍於百姓故謂之羸亂所以優柔容民

也柳宗元以為大武之律變也甲子昧爽會朝清明故曰武宿

夜朱干玉戚以舞之象功也斗杓合日月所會之辰辰繫於卯日入申

則辰在戌上癸亥日申時為夷則上宮甲子夜半

子為黃鐘下宮昧爽寅為太簇下宮反及羸泊則

日既入矣故戌為無射上宮也武成曰癸亥陳于

商郊俟天休命牧誓曰甲子昧爽王朝至于商郊

牧野乃誓又武成曰一戎衣天下大定乃反商政

政由舊大賚于四海而萬姓悅服豈即所謂仰

施舍於百姓者賊自癸亥達然武功實本於文王

甲子朝故舞以武宿夜為名然武功實本於文王

故清廟頌文王無斁之德歌於堂上維清奏文王
象舞之事管於堂下示德也武象之舞惟容而已
奏以象簡始有聲焉六成之後籥人長夷則之上
宮以起清角及黃鐘之下宮合以姑洗則爲雲門
矣太簇之下宮和之合以蕤賓以無射之上宮爲
亂則爲咸池矣夫樂由人情而出者也聖人以爲
人情之所不能免因而象政令之美以飾樂乃若
雲門咸池一陰一陽五音七始物無非道安得違
人情而廢之哉其所以異於韶濩者韶濩之管十
六專主清角鐘磬之垂皆如之

奏清角法太簇之
羽應鐘爲陰紀之

中陰生陽故冬日至黃鐘六變應鐘為宮夾鐘為角又六變無射為宮太簇為角又六變南呂為宮大呂為角又六變夷則為宮黃鐘為角又六變則函鐘為宮而音沒以濁矣應鐘位乎亥於十二宮為極陰此樂奏則植物皆萌核而生以植物之根皆本乎下故也

象簡之管十九

無奏清徵鐘磬之垂亦如之十二番二百二十八

皆有七律焉所謂變其數也

奏清徵法夷則之羽中呂為陽紀之中陽

生陰夏日至中呂為宮黃鐘為徵又八變蕤賓大呂為徵又八變林鐘為宮太簇為徵又八變夷則為宮夾鐘為徵又八變南呂為宮姑洗為徵又八變無射為宮中呂為徵又八變應鐘為宮蕤賓為徵又八變黃鐘為宮林鐘為徵而音沒以清矣中呂位乎巳於十二宮為極陽此樂奏則動物皆妃配而生以動物之夫宮君也商臣而角民也商角首皆本乎上故也

不過乎宮則臣民不凌君宮夫也儆婦也徵不過

乎宮則婦不敢乘其大是故清角之樂行而臣民

忠清徵之樂行而夫婦順一本作婦子順謂呂為宮則徵為子

獨張而靡應是謂清商靡靡之樂也

通曰天地之氣其本有者不可得而損也其本無

者不可得而益也辟諸人之形色然增則贅割則

虧豈容損益於其間哉是故清以和濁律呂不易

者雅樂也益清商為繁聲者鄭衛也世有專用十

二律已盡去清聲斥為鄭衛者則謬矣宋李照力請去四清

聲準士馬元等駁之謂原四清聲為夷則至應鐘四宮而設也去之則四管為宮之轉臣民相越陵

紀之音作矣范鎮撫照卓見其後徽宗時陳旸樂書謂四清二變為樂之盡併去之謂謬

妄曰獨張靡應者何也張羽為宮無復角徵惟以

清商和之

黃鐘為清商二寸一分入聲有奇至其於太簇再為清商則一寸九分有奇

調極耿其絃益小故變琴瑟而為笙簧謂之新聲
師延為殷紂作靡靡之樂是已其樂七絃亦有十
三絃名為箏者音逐手起曲隨絃成飄忽無方頗
挫掩抑散蕩為悲愴之聲其後出於桑間濮上鄭
衛分其地遂號鄭衛之音今管色九孔以清聲之
極緊五為主所謂夾鐘獨為律本者也蔡氏元定
然樂書
見宋史志若雅樂關雎之亂以無射清商合樂三終然
官不離徵羽不離角天豈獨張靡應者哉

師曠曰清商不如清徵清徵不如清角

通曰晉平公說新聲師曠曰公室其將卑乎君之明兆於衰矣夫樂以開山川之風以耀德於廣遠也風德以奏之風山川以遠之風物以聽之脩詩以詠之脩禮以節之夫德廣遠而有時節是以遠服而邇不遷衛靈公將之晉至濮水之上夜聞鼓琴聲而說之乃召師涓曰爲我聽而寫之師涓曰諾因端坐援琴聽而寫之明日報曰臣得之矣然未習也請宿而習之靈公曰可因復留宿明日報曰習矣遂去之晉晉平公觴諸姬惠之臺酒酣靈

公起曰有新聲請奏之平公曰可即令師曠坐師

曠之旁援琴鼓之未終師曠撫而止之曰此亡國

之音不可遂也平公曰此道奚出也通言師曠對曰

此師延之所作與紂爲靡靡之樂者也武王伐紂

師延東走自投於濮水故聞此聲必於濮水之上

先聞此聲者其國必削故不可遂也平公曰寡人

之所好者音也願遂聞之師涓鼓而終之平公問

曰此何聲也師曠對曰此所謂清商也公曰清商

固最悲乎師曠對曰不如清徵古之聽清徵者皆

有德義之君也德義薄者不足以聽之平公曰寡

人之所好者音也請試聽之師曠鼓之三終有玄

鶴來集舒翼而舞音中宮商聲闕于天九招九歌清角清徵若

獨奏清徵則自子至午為七律猶有濁非清商所及徵為南方羽物故鶴至平公大說

觴師曠而問曰音固莫加於清徵乎師曠對曰不

如清角今君德義不及黃帝固不足以聽之聽之

將敗平公曰寡人老矣所好者音也願遂聞之師

曠不得已而鼓之一奏而玄雲起再奏而風雨大

至裂帷幕破俎豆左右皆散走平公恐懼伏于廊

室之間晉國大旱赤地三年清角作於黃帝清徵作於周帝降而王固

有差等矧十六聲清濁皆八迭相為經有天地相合之象作樂當以為上夫清角黃帝

所以大合鬼神者也黃鐘倡之太簇和之一清一濁陰陽參和埤郊之所奏也鼓非其時聽非其人則元氣亢而菑害至矣苟不至德不足以聞至樂樂其可妄爲也哉

大合六樂比音而舞之分樂而序之以商和宮文去而實存焉

通曰天地之氣有流行必有對待大合六樂雲門倡之咸池和之大韶合之音聲流行者也大夏與雲門大濩與咸池太武與大韶舞位對待者也黃帝堯舜夏后殷周循其曆數先後合以六律六同

一時並作下管左旋應斗升歌右旋應日比音而舞者也奏黃鐘歌大呂以至奏無射歌夾鐘分樂而序者也黃鐘大呂合姑洗南呂以祀角羽並起而調羽以角其聲一以象乾太簇應鐘合蕤賓函鐘以祭宮徵相應而調角以徵其聲二以象坤夷則中呂合無射夾鐘以饗與雲咸應而調徵以羽其聲參和以象仁黃鐘大呂之角姑洗中呂起角調南呂夷則應之韶濩合雲門也林鐘太簇之角應鐘蕤賓起徵調而夷則夾鐘應之夏武合成也也籥舞以黃鐘爲主繼以太簇姑洗則黃鐘避無

射不爲商調矣萬舞主蕤賓次及夷則無射而避姑洗亦如之商調旣分而必合於角焉何也君子之音溫柔居中以養生育之氣也夫基德者必以溫懷神者必以柔商於四時爲秋秋之氣肅而非溫也於五行爲金金之性剛而非柔也天道好生惡殺好賞惡罰使陽居於實而宣德施陰藏於虛而爲陽佐輔聖人南面而聽天下之治背陰向陽前德而後刑也故六樂者皆文以五聲播以八音黃鐘起角羽蕤賓隔八生大呂以應之故爲角林鐘起角羽則太簇之角羽皆爲徵矣去商之文故

合樂無商聲也然黃鐘以角羽倡太簇以徵商和則奏樂之時商聲依舊存焉但應林鐘則制於徵和黃鐘則合於角合秋聲殺氣歸春夏之生育混合參和與靡靡者異矣

其始作也以合生氣之和也用宮逐羽而清角生焉引商刻羽而流徵生焉春夏陽也故顯諸仁秋冬陰也故藏諸用子曰仁不違道孝不違禮惟仁人爲能饗帝惟孝子爲能饗親

通曰樂音之始生也循五行生成之序水木與土爲陽火金爲陰及其合也木火播於春夏爲陽金

水播於秋冬爲陰而土恒居中焉禮運曰五行之
動迭相竭也五行四時十二月還相爲本也五聲
六律十二管還相爲宮也蓋冬竭則春爲夏之本
春竭則夏爲土王之本夏竭則秋爲冬之本已往
者竭於前見在者孕方來於後十二月律皆如之
然還相爲宮若先徵商而後羽角則五行四時之
序紊矣聖人參贊化育而爲之斡旋焉大合樂而
聲應生變圜鐘爲宮則黃鐘以羽應函鐘以角應
黃鐘自羽爲宮以奏姑洗則得春音是羽以其角
應也函鐘自角爲宮以奏太簇則得夏音是角以

其徵應也。圜鐘之羽既以角應，則黃鐘之羽又以角應之。奏黃鐘必歌大呂，奏姑洗必歌南呂，可知矣。圜鐘之角既以徵應，則函鐘之角又以徵應之。奏太簇必歌應鐘，奏蕤賓必歌函鐘，可知矣。姑洗之角以其羽應，奏夷則則歌中呂也。應鐘之角以其徵應，奏無射則歌夾鐘也。世言五聲者，惟知宮徵商羽相生，至角而不知此，乃局於定位耳。是故順天地序，四時應人倫，則必起羽生角，角生徵而復於宮。商常以宮為角，商為徵，以象春夏生育之仁。故黃鐘為圜鐘，羽南呂為黃鐘，羽蕤賓又為南

呂羽極之所集則大呂聲應焉太變黃鐘爲清角
八變太簇爲清角九變則大呂之角反于其宮矣
是用宮逐羽者黃鐘大呂合姑洗南呂也而夷則
中呂亦如之羽縵於角則不使有羽聲惟有角耳
故曰角音龍精其祚曰強黃鐘爲夷則角姑洗爲
黃鐘角夷則又爲姑洗角極之所集則夾鐘聲應
焉六變太簇爲流徵八變姑洗爲流徵九變則太
簇之羽反于其宮矣是引商刻羽者太簇應鐘合
蕤賓林鐘也而無射夾鐘亦如之徵流於商則不
復有商聲惟有徵耳故曰徵音鵠精其胤曰昌是

故設宮分羽而角徵行乎其中矣何也孤竹之管
圓僅爲宮凡六變之角徵合之而姑洗角之羽亦
六變終天宮于徵均聲與器諧則天神降孫竹之
管函鐘爲宮凡八變之角徵合之而函鐘角之羽
亦八變終地宮于宮均聲與器諧則地示出陰竹
之管實鍾爲宮凡九變之角徵合之而太簇角之
羽亦九變終人宮于商均聲與器諧則人鬼出宮
商之始於羽也其托始有原角徵之終於羽也其
要終有抵羽變之轉貞元之象也宮合角故宮主
君角主父商合徵故商主臣徵主子聲音之道有

孝有仁顯乎春夏矣揆厥所元羽之羽又以羽生
角爲徵之本角之角又以角生徵爲宮之本徵之
徵又以徵生宮爲商之本商伏于徵文雖去而實
不去羽雖生於角然聲存而氣已竭矣此秋冬爲
陰所以積於空虛無用之處也夫黃鐘以宮倡者
始乎角終乎角太簇以商和者始乎徵終乎徵春
夏爲陽其氣盛而化神矣自其象言之仁不違道
故能享帝孝不違禮故能享親此韶之所以尚角
徵者合生氣之和故也

及其從之也以道五常之行也知仁父際而百化出

矣禮義交際而百化入矣成之者聖也子曰知仁合則天地成天地成則庶物時庶物時則民財阜民財阜然後興禮義

通曰樂之始終條理其易範之數邪一六三八在北而東知仁交際而百化出冬至之氣自吸而呼腎而肝羽而角陽聲也木自水生象乾之中而宮以九五是故君子道問學而守寬仁然後龍德以知崇而天且不違矣二七四九在西而南禮義交際而百化入夏日至之氣自呼而吸心而肺徵而商陰聲也金以火伏象坤之中而宮以六五是

故君子敬以直內義以方外然後黃裳以禮卑而
發於事業矣傳曰天地立於水而乘於氣是故陽
復於子建寅而物始著天行至於東北日月會于
娵皆陽變而盛則爲雨爲水及蒼龍昏見水日以
往天行至於西北日月會于大火陰變而盛則雨
畢水涸及營室昏中水日以及故七十二候始于
東風解凍終于水澤腹堅水者五行之首萬物之
宗而一朞生氣之始終也雖五緯之有辰星亦附
日右行起自北陸而反乎北陸朔易之方終始萬
物之地也歲星十二朞而周天歷十二星次爲一

紀然非辰星正四時則歲無由成於此見水爲歲
功之綱而木生焉猶宮羽生角則中音也陰遁於
午逮申而物始堅四時代謝皆以相生惟立秋以
金代火金畏火故逢庚必伏伏則蒸濕者亢極而
變火金之間土氣所成也其亦反商下徵以和宮
者歟夏至後三庚爲初伏四庚爲中伏立秋後初庚爲末伏蓋陰變而化陽
則爲水木相生者也陽變而化陰則爲火金相制
者也順而生者易知逆而成者難見然則作樂者
其明於天地之性乎顯諸仁而仁自知始歲諸用
而義以禮成行此四德者謂之聖人天地聖人德

樂一而已矣夫五聲六律翕然同奏從之則純然
而和宮之變宮應鍾角羽倡商之變宮商徵和聲
應于黃鍾宮之變徵蕤賓角羽倡商之變徵夷則
商徵和聲應于林鍾自餘倡和皆如之然姑洗南
呂角羽並起於先林鍾太簇宮徵相應於後則所
謂知仁合而興禮義者也徐而審之高下不相掩
蔽宮商無相奪倫如黃鍾應蕤賓角羽生林鍾則
林鍾應大呂角羽生太簇一成五節聲聲俱見皦
然不亂此所以道五常之行也

樂其易知也離則必合往則必反猶天圓也故曰樂

以合為本以反為文

通曰五音乘六律為六十調通以二變則八十四

聲紛綸莫萃其要安在亦曰鐘應角之羽磬應羽

之角而已雲門朔鼓應鐘起鐘磬角之羽羽之角

秦黃鐘圖鐘為宮大夏應鼓中呂起鐘磬秦蕤賓

亦如之黃鐘角羽並起奏姑洗角之羽羽之角歌

大呂黃鐘為宮蕤賓角之羽羽之角亦歌函鐘黃

鐘反商下徵即流徵也南呂為羽下徵之商也姑

洗為角下徵之羽也函鐘角之羽羽之角奏夷則也太

簇角之羽羽之角歌夾鐘也先商後徵太簇為徵姑洗為

羽聲應南呂之角

大呂角之羽羽之角奏太簇與函鐘應

函鐘為宮太簇為角

夷則角之羽羽之角歌南呂與太簇應

姑洗為徵南呂為羽

是謂咸池承雲皆為正聲三調

黃鐘宮太簇商函鐘徵為三調樂夷則亦如之

南呂角之羽羽之角奏無

射也姑洗角之羽羽之角歌中呂也夾鐘角之羽

羽之角奏姑洗與無射應無射角之羽羽之角歌

應鐘與中呂應

中呂為清角之羽合南呂應鐘為流徵之羽合夾鐘凡十二

管商徵函於內角羽吐於外羽縵於角則角聲益

清以象天太簇和黃鐘其始也徵流於商則徵聲

倍下以象地大呂倡夾鐘其始也宮角之羽間流

徵而終合二變之羽合流徵而終分中呂應姑洗角為羽六變

姑洗為羽二變之羽雖為流徵然林鐘角羽八變南呂太簇九變應鐘黃鐘姑洗之

羽宮相應為宮則羽相應為角二管並會更無他

音夫人知其為宮角也及函鐘太簇宮徵相應二

變各以羽合焉角相應為宮則羽相應為徵四管

並會雖若難知其實迭為角羽以濟九成焉耳角

羽從宮二變從商始終皆角羽也宋史謂二變為清商則非不入

雅調類知乎此但謂不入雅調則非何者律大小之稱細莫如羽故

張羽而大之以育萬物應鐘為角其細已甚比始終之序窮

莫如角故繆角而清之以生萬民中呂為角其窮已甚是故

水滋則木自榮物豐則民不窘聖人修樂以道志

立政以象樂仁及四海如水漸木升而不可遏也

角木也應乎歲羽水也應乎辰

司人七律用歲星辰星

及二

變激流徵而散清商也與宮羽相逐猶月追及於

日而與之會也清角生於慢角清徵出乎流徵連

綿延屬皆十二旋宮各爲五節皦如之中而有繹

如者存焉不知者乃謂周禮止於三宮欲去旋宮

之法果何見哉

陳陽

苟非旋宮則離孰合之往孰反

之蓋天地立於水乘於氣氣行地中故氣出於機

必入於機物生於土必反於土聲出於宮必反於

宮律呂相生之序自合而離始黃鐘終中呂其數則往而

不反黃鐘至應鐘以漸而短故作樂以合為本以反為文五

聲六律八音一時並作則指顧取象無所不備三

才四時六府三事之類本於性情者皆形見於樂

羽角相生而宮以制之水土演而民用也徵商相

制而角以生之君統民物而臣任其事也故宮以

羽角倡之商以二變和之角盛則徵明火盛則水

竭微為火羽為水南方火之位北方水之宅常使水聲衰火聲盛則可助南抑北消除虜患元祐

壬癸枯乾丙丁發之徵盛則宮倡而有隨商盛則

徵有子而生生不窮矣宋宮不自始逐羽為始是

始條理者知也羽不自終反宮而終是終條理者
聖也道知仁禮義之行而歸之聖形臣民事物之
理而歸之君此聲之成文文之足論者與

變宮之比於宮也羽生角也變徵之比於徵也角生
徵也羽倡而變宮和之角倡而變徵和之宮生商也
是故音相生者和其國治聖人作樂以陰陽為本以
三光為明以五行為用以四時為經

通曰論二變者惟知陰陽之聲陳氏曰應鍾陽之

二變也此以可論六律耳六呂則不通矣楊氏曰臣有常職民有常業物有常形而遷則失常故商角羽無變聲若總萬化不可執以一方事通

務不可滯於一隅故宮徵有協曆候以十二律應
變聲此又膠於聲象而誤者二十四時則人之所不知也是故聲有常而音則
變矣黃鐘之月音比黃鐘應鐘宮與變宮比也大
呂之月音比無射南呂則羽生角矣姑洗之月音
比姑洗夾鐘與黃鐘合者也故爲慢角中呂之月
音比太簇大呂與大呂合者也故爲清角太簇之
月音比夷則林鐘徵與變徵比也林鐘之月音比
太簇夾鐘則角生徵矣蕤賓之月音比黃鐘大呂
與太簇合者也故爲流徵夾鐘之月音比蕤賓中
呂與林鐘合者也故爲清徵夷則之月音比姑洗

中呂又與大呂合南呂之月音比蕤賓秣鐘則與夾鐘應焉無射之月音比夷則南呂羽角以宮倡者也應鐘之月音比無射應鐘羽角以商和者也冬日至則變宮起鐘磬比於宮而羽生角以象夫君有天道焉夏日至則變徵起鐘磬比於徵而角生徵以象婦子有地道焉黃鐘之羽角倡也聲應大呂宮爲君而角爲父太簇之二變和也聲應夾鐘商爲臣而徵爲子有人道焉宮商土金相生而羽角角徵水木及火亦迭相生氣變應於曆候皆自然也非人之所能爲也是故陰變而化陽則爲

水木六上生七故羽角合為六變陽變而化陰則

為火金九下生八故徵商合而八變宮五五相守

以火和土故宮徵合而九變成焉離而必合故綬

纁並論八音四會虞氏之大韶也往而必反故九

變復貫道之控楊黃帝之咸池也四會謂四縣並

祝故黃帝命樂師大容道之合而相生是謂大和漢武帝東巡

干甘泉祭后土干汾陰皆盡用宮縣之樂即八音

四會之遺制也晉王肅議周禮賓客皆作備樂况

天地宗廟事之大者乎武帝遂大合樂以致平吳

混一六合後為荀勗所聞五胡遂亂果武帝綱繡

失旨不合六樂其後夫宮君也角民也宮非羽不

能反角非羽不能生角不合羽直犯其宮則四海

困窮民訴于君之象也宮自羽管而往及變徵之

管而反羽聲無所歸宿其流連荒亡之兆乎史記荆刺

將入秦高漸離擊筑軻和而歌為變徵之聲士皆垂淚涕泣又前為易水之歌復為羽聲軻操士皆

膜目髮上衝冠隋煬帝幸江都宮中新鑪安公子曲王令言聞其聲驚嘆曰此曲雖在羽調後有

一宮聲往而不返大駕東巡必不回矣後煬帝果被弑於江都今考理道要訣世傳其曲中呂調有

近般凌調有令然尾聲故曰角從宮角與羽離其皆無所歸宿亦異矣

國衰羽從宮往而不反是謂悲悲傷財竭物去不返其國亡

音相生者和其國治若宮倡而商和是謂善本太

平之樂也出樂記註疏動靜儀聲律相乘陰陽相交而後曆

象日月星辰應焉故音者天之三光也然宮為中

中央角爲春木徵爲夏火商爲秋金羽爲冬水則
各安其位音惟變故運二氣于三光而無定明聲
惟常故播五行于四時而有正經大哉樂也其自
天作者乎

聲應而成音氣應而成象其誦信合鬼神其感召易
寒暑其風氣通山川其逆順以明君臣父子其對時
類物以成變化君子審音以知樂可不慎與

通曰言出而爲聲其氣應則君臣民事物之象也
自耳出言之聲應而爲音其氣應則天地四時人
之象也自雜比言之故聲未入律專一而屬陽音

既入律變合而屬陰故曰聲鳴也聞其聲即知其
所由生音者飲也言其剛柔清濁和而相飲也故
聲之相應則運氣無方以象日紀于星律之和聲
則述氣不易以象月會于辰應鐘盡七音為黃鐘
則應鐘之氣詘黃鐘盡七音為大呂則大呂之氣
信大章起應鐘而神人暢簫韶用大呂而祖考格
堯作神人暢九十三弄起應鐘修咸池也書曰祖
考來格簫韶之應也他如李暮吹笛江心而蛟龍
出松東鼓琴堂故曰詘信合鬼神師文鼓琴而四
上而應形見氣立變見樂章鄒衍吹律而寒谷生黍鄒衍在燕有
谷寒不生五
穀衍吹律而溫之至生黍焉世傳郊祀之歌春曰
青陽夏曰未明秋曰西颢冬曰玄冥謂之鄒子樂

也故曰感召易矣身雖錡合乎鶉火律見七青齊合

乎星紀師曠御晉平公鼓瑟輟而笑曰齊君與嬖

月日齊君戲而陽他日在會問諸齊侯齊侯啞然

而謝曰然有之星紀齊合辰也側徵齊之變也宮

商傍紀故曰風氣通山川宮不召商則君臣乖角

與徵戾則父子疑宮為君父中聲在春其羽相應

相應為徵齊景公問晏子民事之言而說既興發

補不足召大師曰為我作君臣相說之樂蓋徵招

角招是也唐世子作新曲聞者曰此樂宮商不和

君臣相阻之徵也角徵失位父子不協之兆也

故曰逆順以明君臣父子取與時適去就有方愁

臣奪君之義也王陵諸葛誕起兵揚州以圖興復
皆為司馬懿父子所殺故名廣陵散魏云自廣陵
始也止息者晉雖果興止息於此其哀憤噪蹙惜
痛迫脅之音盡此矣永嘉之亂其召乎子朱子亦
謂怒晉欲奪魏侵商絃令與官為殺表序希數必
絃相似躁急如人間可見音節鴻殺表序希數必
當開元末西涼州獻新曲寧王憲曰夫音者始於
商也此曲宮商離而少徵商亂而加暴夫宮君也商
臣也官不勝則君體卑商有餘則臣事僭卑則通
下僭則犯上發於忽微形於音聲播於歌詠見於
人事臣恐一旦有播遷之禍其後棣山反乘輿西
幸五代晉高祖初合雅樂安群臣奏黃鐘王仁裕
聞之曰音不純備而無和聲當有爭者聞於禁中
已而兩軍校闕於門外聲儼故曰對時類物以成
於內蓋宮唱商和貴有序也故曰對時類物以成
變化晉魏有相和大曲清商三調曰平曰清曰瑟
見宋書樂志沈約云傳自漢世俗之樂猶得其緒
世今不聞矣瑟又詠為側

餘焉

始有正宮中呂宮南呂宮黃鍾宮各有羽商

曾中呂道調夷則

以商名宮即清商調也

夾鍾名

仙呂共二十八調

然宮洪羽殺商角

惟正

宮不然蓋統於黃鍾故也中呂鍾夾鍾羽也正宮中呂

頗分

正宮古黃鍾也中呂鍾夾鍾羽也正宮中呂

呂亦相出入但仙

相應謂之犯度曲謂之節歸宿

謂之煞

五行之聲所司為正犯黃鍾宮為無射應

為商也

所叶為絳犯中呂宮應彼為羽也所下為

測犯越角南呂

應黃鍾為羽也餘倣此八犯歌曰

商宮四出逆八

歸宗羽角宮商復再動三四五

六逆八用又四

犯訣曰宮角羽商羽角宮羽角

宮商其通調也

以羽角宮商為平上去入七羽調

首中呂次正平

高平終黃鍾大呂羽七角調首正宮

次高宮中呂宮終於夷則無射之宮七商調首越
調次大食調高大食調終於夷則無射之商凡聲
將轉字將闕則用拍板節之緩急不合聲律謂之
失板其尾聲歸宿本調惟雙調歇拍煞鴛鴦煞不
復歸宿所謂往而不反也有折掣反丁等聲折者
上生四位掣者下隔一宮反者宮閏相頂丁者上
下相同又奇煞訣曰土五金水八木惟以夾鐘清
六火煞憑輪丁兩折頂折掣四相生

聲為律本不論正聲則與雅樂相亂矣今以頭管考之夾鐘

清收四聲為緊五居九孔之首為宮次六字為羽
次凡字為商次工字為閏閏為角其正角聲變聲
徵聲皆不收黃鐘居子蕤賓為變而居午變亦為
宮與雅樂七音全不同矣正聲三調黃鐘為調以
統四聲則其聲優游平中今乃高至緊五夾清低
至上一姑洗卑則過節高則流蕩甚至佚出均外
此所以為靡春華用夾鐘唐玄宗擊羯鼓自製曲
靡之樂也已微折乃夾鐘宮也時秋月用南呂開元中西
當正月以二月律催花節度使楊

述進黃鐘商婆羅門曲凡十二遍而終天寶七載
七月上夢遊月宮改用六么蓋般涉調黃鐘羽也
更號其曲曰霓裳羽衣云時貴妃有寵蓋太簇以
律娶妻為南呂今棄商用羽子婦同宮召亂兆於
樂召川示用林鐘天寶中帝在東都夢凌波池中
矣宮時號水調官其一南呂商時號水調義取林鐘
水土之母而生南呂水音也世傳張比調能致鬼
神樂消平用黃鐘今進清平調三章皆亡言絕句
云也蓋古樂取聲律高下合為三日清調平調側調
明皇不樂側調止用黃鐘宮黃鐘商歌之蓋義取
君祝壽考用姑洗武后鳥歌萬歲樂用太簇商又
臣調今俗呼高平調二曲哀隕絕用中呂明皇入蜀
皆姑洗也取壽星龍角哀隕絕用中呂明皇入蜀
聲作兩林鈴曲用雙調何滿子乃滄州歌者姓名
臨利進此曲蹟罪竟不免死亦用雙調乃夾鐘之
中呂商也律窮於中紀臣功用無射北齊蘭陵王
呂又屬商義取秋殺紀臣功用無射破周師有入

陳曲今越調蘭陵王三段二十四拍乃其遺聲也
唐明皇自潞州還京師夜半舉兵平常氏之亂製

夜半樂還京樂二曲皆動物類用太簇拂柳枝曲

用無射商黃鐘為越調動物類用太簇拂柳枝曲

每句下各增三字一句為和聲用黃鐘商歌之蓋

正月春律也天寶中南海進荔枝作荔枝香曲用

大石歌指二調太簇生林鐘之商為南呂義取水

木也羯鼓音屬太簇一均明皇與宋璟皆善之未

泰中西川節度杜鴻漸登他如鳳將雛則宮商相

閣奏此山下群羊皆舞他如鳳將雛則宮商相

應以象父子鳳求凰則宮徵相合以象夫婦鳥夜
啼主角調以鳥聲角也別鶴怨主羽調以鶴聲羽
也春草晨雞亦無不可被管絃者虞美人曲有二
宮也其一屬中呂調乃黃鐘為羽也有草應拍而
舞曰虞美人草沈括以為吳音即此宋太平興國
中伶官薛茂多侍大宴聞雞唱崔翰問之曰此夫
可被管絃乎茂多即法其聲製曲曰雞叫子

世俗之樂其去古也遠矣然猶感物通靈若此然則雅樂當何如也蓋正聲感人姦聲亦能感人感應雖異而倡和有應四邪曲直各歸其分萬物之理以類相動則未嘗不同也觀此可見矣

樂典卷第十九